

Kîkiû póhō

(Tabit ê si, kau hō sipan chíhui;
ēng sihiân ê gákkhì.)

- 1 SiōngChú ah, kiú Lí thiaⁿ góa ê kiúkiò,
àⁿlòh thiaⁿ góa ê kító!
- 2 Tng góa ê sim loánjiók sitchì ê sî, góa beh tùi
tēkék kiúkiò Lí.
Kiú Lí chhōa góa kàu hitê pí góa khah koân ê
chiòhpōaⁿ!
- 3 Inūi Lí ittit sī góa ê pīlān só,
sī góa tôsiám tùiték ê kiankò siāⁿpó.
- 4 Góa beh éngoán tòà tī Lí ê pòpêⁿ,
góa beh bih tī Lí sítkó ē únbát ê sóchāi. [Sèláh]
- 5 SiōngChú ah, góa só hē ê goān Lí ū thiaⁿ tiòh;
Lí ū kā kèngùi Lí ê lāng èngtit ê sángiáp siúⁿsù
góa.
- 6 Goān Lí kethiⁿ ông ê hòesiū,
goān i ê nīhòe kàu tī bān sètāi.
- 7 Goān i ē éngoán tī SiōngChú bīnchêng chēūi
chò ông;
goān Lí pīpān Lí ê chūài kah sìnsít lâi póhō i!
- 8 Hit sî, góa beh éngoán chhiùⁿkoa oló Lí ê miá,
koh jítjít siā góa ê goān.

祈求保護

(大衛 ê 詩，交 hō 詩班指揮；
用絲絃 ê 樂器。)

- 1 上主 ah，求祢聽我 ê 求叫，
àⁿ 落聽我 ê 祈禱！
- 2 當我 ê 心軟弱失志 ê 時，我 beh tùi 地極求叫
祢。
求祢 chhōa 我到 hitê 比我 khah koân ê 石磬！
- 3 因為祢一直是我 ê 避難所，
是我逃閃對敵 ê 堅固城堡。
- 4 我 beh 永遠 tòà tī 祢 ê 布棚，
我 beh bih tī 祢翼股下隱密 ê 所在。[Sèláh]
- 5 上主 ah，我所下 ê 願祢有聽 tiòh；
祢有 kā 敬畏祢 ê 人應得 ê 產業賞賜我。
- 6 願祢加添王 ê 歲壽，
願伊 ê 年歲到 tī 萬世代。
- 7 願伊 ē 永遠 tī 上主面前坐位做王；
願祢備辦祢 ê 慈愛 kah 信實來保護伊！
- 8 Hit 時，我 beh 永遠唱歌 oló 祢 ê 名，
koh 日日謝我 ê 願。